





A PARITIO. B. MARIAE. V. B. IACOBO CE SARAVGVS T

Prima domus Marię, sacrata est, dicta Columne,  
Hanc, eadem, Iacobo tradidit, alma Pateris,

Die XII. Octobris.

45328

# IN OFFICIO

Commemorationis

# B. MARIAE DE COLUMNA

Pro omnibus Hispaniarum Regnis.

Omnia, ut in Festo Sanctae Mariae ad Nives praeter  
Lectiões secundi Nocturni.

## Lectio iv.

De Sermōne S. Augustini  
Episcopi.

### Serm. 18. de Sanctis.

**A**dest nobis, dilectis-  
simi, optatus dies  
Commemoratiōnis Beatae,  
ac Venerabilis semper Vir-  
ginis Mariae; ideò cum  
summa exultatiōne gàu-  
deat Terra nostra, tantae  
Virginis illustrata Solem-  
nitate. Hac enim flos

campi, de qua ortum est  
pretiosum lilium convàl-  
lium, per cuius partum  
mutatur natura Protoplas-  
tòrum, delètur & culpa.  
Præcisum est in ea illud  
Hevæ infelicitatis elògiū,  
quo dicitur: In dolòre pà-  
ries Filios tuos: quia ista  
in lætitia Dèminum pèpe-  
rit. Heva lacrymas, Ma-  
ria gaudium in ventre por-  
tavit: quia illa peccatò-  
rem.

rem, ista edidit Innocentem. Tu autem Domine, &c.

Sicut cedrus exaltata sum in Libano, & sicut cyprèssus in monte Sion: quasi myrrha electa. Dedi suavitatem odoris. Et sicut cinnamomum & balsamum aromatizans. Dedi.

### LECTIO V.

**O** Beata Mater, quis tibi digna valeat jura gratiarum, ac laudum præconia rependere, quæ singulari tuo assensu mundo succurristi perditio? Accipe itaque quascumque exiles, quascumque meritis tuis impares gratiarum actiones: & cum susceperis vota, culpas nostras orando excusa. Admitte nostras preces intra Sacrum exauditionis, & reporta nobis antidotum reconciliationis. Accipe quod offerimus, redona

quod rogamus, excusa quod timemus: quia tu es spes unica peccatorum. Per Te speramus veniam delictorum, & in Te, Beatissima, nostrorum est expectatio præmiorum. Tu autem Domine, &c.

Quæ est ista, quæ processit sicut sol, & formosa tamquam Jerusalem? Viderunt eam filiae Sion, & beatam dixerunt, & reginæ laudaverunt eam. Et sicut dies verni circumdabant eam flores rosarum, & lilia convallium. Viderunt.

### LECTIO VI.

**E**T profecto sperandum nobis, ac præcipue lætandum est, quibus insigni beneficio peculiarem suimet obtinendi Patrocinij fiduciam clementissima Virgo concessit. Ut enim pia, & antiqua traditio habet, cum Jacobus Apostolus, Major

nuncupatus, Divino Con-  
 filio in Hispaniam appu-  
 lisset, & aliquandiù Cæsar-  
 augustæ substitisset, ipsi  
 cum aliquot Discipulis  
 noctu ad Iberi Fluminis  
 ripam oranti Beata Virgo,  
 dum adhuc in humanis  
 àgeret, apparuit, ibique,  
 ut Sacellum extrueret, ei-  
 dem injunxit. Quare nihil  
 cunctatus Apóstolus, Dis-  
 cipulis opem ferentibus,  
 Ædiculam Deo in ipsius  
 Virginis honorem dicavit.  
 Huic autem, procedentibus  
 sæculis, àmplius, & augus-  
 tius Templum accessit,  
 quod à Simulacro Deipar-  
 ræ, pilæ è marmore super-  
 tante, atque ibidem maxi-  
 mã totius Regni pietate,  
 ac frequentia venerato, à  
 Columna olim acceptum  
 nomen, hisce quoque tem-

poribus retinet. Utque de-  
 bitus Deo Cultus, ac fer-  
 vens jam erga Virginem  
 Populorum devotio ubè-  
 rius in dies incrementum  
 accipiat, Clemens XII.  
 Pòntifex Maximus per uni-  
 versas Regi Cathòlico sub-  
 jectas Ditiones ejusdem  
 commemoratiõnis Officiù  
 die xii. Octòbris celebrari  
 indulsit. Tu autem Dò-  
 mine, &c.

*v.* Ornãtam monilibus  
 filiam Jerùsalem Dòminus  
 concupivit: " Et videntes  
 eam filia Sion, beatissi-  
 mam prædicaverunt, di-  
 centes: " Vnguèntum ef-  
 fûsum nomen tuum. *v.*  
 Astitit regina à dextris  
 tuis in vestitu deaurato,  
 circumdata varietate. Et  
 videntes. Glòria Patri.  
 Vnguèntum.



# Hispaniarum.

**R**emissis à SS. D. N. **CLEMENTE PAPA XII.** ad Sac. Rit. Cong. non minus enixis plurimum Reverendissimorum Archiepiscoporum, Episcoporum, Capitulorum Cathedralium, necnon Civitatum Regni Hispaniarum, precibus, quam pijs Serenissimi Regis Catholici Instantijs, illisque per Eminentissimum, & Reverendissimum D. Alexandrum Cardinalem Albanum Ponentem relatis, Sac. eadem Rit. Cong. posse concedi censuit, ut Festum B. M. de Columna, quod in Ecclesia Casaraugustana, vigore Indulti Apostolici anno. 1723. peragitur, singulis annis die 12. Octobris cum Officio, & Missa, ac superscriptis Lectionibus proprijs à dicto Eminentissimo Ponente diligentè examinatis, & ab eadem Sacra Congregatione modò approbatis, ab omnibus utriusque sexus Christifidelibus, tam Secularibus, quam Regularibus in Regnis, cunctisque Dominijs ipsi Serenissimo Regi Catholico subjectis, qui ad horas Canonicas tenentur, sub ritu duplici celebrari valeat, si Sanctissimo Domino Nostro visum fuerit. Die 16. Septembris 1730.

Factaque deinde per me Secretarium de predictis Sanctissimo Domino Nostro relatione, Sanctitas Sua benignè annuit. Die 20. Decembris ejusdem anni 1730.

## C. Card. de Marinis Præfectus.

Loco  Sigilli.

N. M. Tedeschi Archiepiscopus Apamensis, Secretarius.

CÆSAR-AUGUSTÆ, M. DCC. XXXI.

Ex Officina **PETRI XIMENEZ,** Typographi.